

Santo Domingo di Guzman ta adoptá un yu nobo den persona di pastor Jairo Rodrigo Maduro

Dia 2 di ougùstùs 2022 Pastoor Jairo Maduro a kuminsá huntu ku otro 8 padernan di diferente pais e novisiado den Òrdu di Padernan Predikador den e Fraternidat Saserdotal di Òrdu di Santo Domingo di Guzman. Despues di un aña di reunion pa formashon, Pastor Jairo mester a bai bèk kombento Santo Domingo di Guzman pa primintí obedensia na e reglanan di e Òrdu i esei a tuma lugá huntu ku e saserdotenan ku a kuminsá



tambe e novisiado. E grupo a kuminsá ku 9 saserdote i awor ta konta ku 20 di Venezuela, Colombia, San Salvador i Aruba.

Pastoor Jairo ta e di dos lokal ku ta miembro di òrdu Santo Domingo di Guzman.

Un den kombento i e otro pafó di kombento!

E promé yu di tera ku a bira Dominico i saserdote tabata Mgr. Antonius Lewis Jacón Thielen van der Veen Zeppenfeldt O.P. ku a nase na Aruba dia 11 di Òktober 1891 i na 1911 a drenta ko-

mbento na Huissen i dia 15 di ougùstùs 1918 e ta keda ordená saserdote, siendo e promé lokal den Òrdu i despues a keda ordená obispu na aña 30 di Desèmber na aña 1948, asina e tabata Vikario Apostóliko na e Vikariato di Curaçao pa un tempu no muchu largu. E ta fayeré dia 4 Yüli 1957 na edat di 65 aña.

E vinkulo cu Pastor Jairo tabatin ku Dominicanan tabata e padernan ku el a topa den parokia di Dakota i Playa. Pader Wijbe Fransén O.P., Pader Jacques vd Lee O.P. i Pader Jan Bouman O.P. kual a resultá p, E un bendishon den su kaminda vokashonal. Bira Dominiko di kombento no tabata ariba mesa, pero si den algun momento e por a pensa esei. Si esei tabata e kaso, kisas E lo no ta na Aruba. Pero konosiendo un saserdote di Colombia (Padre Jhon Freddy) a haña sa ku ta eksistí un forma di biba manera dominiconan pero e asunto di Fraternidat ainda no a bira realidat na Colombia, pesei den un promé momento Pastor Jairo a kuminsá ku e Provinsia di Spaña, pero tabata un poko kompliká pa e orario i distansia. Ora Colombia a duna bisto bueno pa

e Fraternidat, Pastoor Jairo a afiliá na esaki huntu ku otro saserdotenan diosesano. E bisdomnan ku tin miembronan den e Fraternidat aki, no ta pèrdè su saserdotenan, mas bien esaki ta un rikesa grandi den búskeda di bida di santidat pa e pader mes.

Ku e Òrdu di Padernan Predikador a keda bon strukturá ku mas di 60 komunidad na momento ku Santo Domingo, hopi kansa físikamente a muri dia 6 di ougùstùs 1221 na edat di 51 den su kombento na Bolonia i einan su restunan a keda derá. Na aña 1234 Papa Gregorio IX a deklaré santu.

Òrdu di Santo Domingo di Guzman a hasi un gran trabou den nos islanan.

Na parokia Inmaculada Konsepsion tin un piedra konmemorativo di e 100 aña di presensia di padernan Dominiko ariba nos Islanan. E piedra ta bisa: *"Nos Gratitut pa trabounan religioso di Padernan di Òrden San Dominiko 1870 Yüli II 1970"* Desde e fecha ei Padernan Dominiko a okupá e islanan di Antianan Hulandes di e tempu aya. Na a traha mas tantu tempu despues di e promé misioneronan a okupá nos islanan. Na Aruba, nan trabou ta bisto den parokianan mas tantu. Pero



awendia nan no tei mas. Pero no mag di lubidá ariba nan trabou. Tambe religiosonan di e Òrdu a traha den diferente tereno ariba nos isla. Den otro momento ta amplia mas ariba e trabou balioso ku misioneronan a hasi.



Saserdote ta atvertí di 7 peliger pa katólikonan pa falta di formashon

Pader Eduardo Hayen Cuarón, direktor di e semanario Presensia di e Diósesis mehikano di Siudat Juárez, a alertá tokante 7 peligeran pa katólikonan pa falta di formashon.

Den ougùstùs 2022 i den su kuenta di Twitter, e saserdote mehikano a atvertí ku "falta di formashon katóliko ta trese

- 1) falta di fe den Eukaristia,
- 2) lubidá riba Konfeshon i "
- 3) ignoransia di fin di bida".

Otro peligeran ku ta generá falta di formashon den fiernan ta "

- 4) no biba fe den públiko,
- 5) oumento di aborto, eutanasia, union liber i matrimonio igualabel;
- 6) kaida di fertilidat i
- 7) materialismo"

Pa evitá e peligeran aki, e saserdote ta kurashá tur katóliko na formashon, konkretamente atraves di katekésis.

Katekésis, ta splika e Katesismo di Iglesia Katóliko, tin komo mision prinsipal transmishon di fe.

Number di e dokumento eklesial splika ku "katekésis ta un edukashon den fe di muchanan, di hóbenan i adultonan, ku ta inklui espesialmente un enseñansa di e doktrina kristian, duná generalmente di moda orgániko i sistemátiko ku mira pa inisiá nan den e plenitud di e bida kristian".